





第一四七册

# 四庫全書



● 上海古籍出版社

# 本冊目次

|        |              |
|--------|--------------|
| 春秋尊王發微 | 宋孫復撰……………一   |
| 春秋皇綱論  | 宋王皙撰……………一二七 |
| 春秋通義   | 不著撰人……………一五九 |
| 春秋權衡   | 宋劉敞撰……………一七一 |
| 劉氏春秋傳  | 宋劉敞撰……………三六三 |
| 劉氏春秋意林 | 宋劉敞撰……………四八五 |
| 春秋傳說例  | 宋劉敞撰……………五四一 |
| 孫氏春秋經解 | 宋孫覺撰……………五五一 |

# 欽定四庫全書

經部

春秋尊王發微卷二

欽定四庫全書

經部五

春秋尊王發微

春秋類

提要

臣等謹按春秋尊王發微十二卷宋孫復撰復字明復平陽人事述詳宋史儒林傳李燾續通鑑長編曰國子監直講孫復治春秋不惑傳注其言簡易得經之本義既破疾樞密使韓琦言于上選書吏給紙札命其門人祖無擇即復家錄之得書十五卷藏祕閣然此書實十二卷考中興書目別有復春秋總論三卷蓋合之共為十五卷爾今總論已佚惟此書尚存復之論上祖陸淳而下開胡安國謂春秋有貶無褒大抵以深刻為主晁公武讀書志載常秋之言曰明復為春秋猶商鞅之法棄反於道者有刑步過六尺者有誅蓋篤論也而宋代諸儒喜為苛議顧相與推之沿波不返遂使

詳校官給事中臣戴璐

給事中臣溫常綬覆勘

覆校官主事臣龔敬身

校對官中書臣蔣寬

謄錄舉人臣蔣傳馨

欽定四庫全書

春秋尊王發微

孔庭筆削變為羅織之經夫知春秋者莫如孟子不過曰春秋成而亂臣賊子懼耳使二百四十年中無人非亂臣賊子則復之說當矣如不盡亂臣賊子則聖人亦必有所節取亦何至由天王以及諸侯大夫無一人一事不加誅絕者乎過於深求而反失春秋之本旨者實自復始雖其間辨名分別嫌疑于興亡治亂之機亦時有所發明統而核之究所

欽定四庫全書

春秋尊王發微

二

謂功不補患者也以後來說春秋者深文鍛鍊之學大抵用此書為根柢故特錄存之以著履霜之漸而具論其得失如右程端學稱其尊王發微總論二書外又有三傳辨失解朱彝尊經義考因之然其書史不著錄諸儒亦罕所稱引考宋史藝文志及中興書目均有王日休所撰春秋孫復解三傳辨失四卷或即日休之書端學誤以為復作歟然則是

駁復之書非復所撰也乾隆四十二年二月恭校上

總纂官臣陸錫熊臣孫士毅  
總校官臣陸費墀

欽定四庫全書

春秋尊王發微

三

宋 孫復 撰

隱公名息姑惠公子平王四十九年即位隱謚

也隱拂不成曰隱

元年春王正月

孔子之作春秋也以天下無王而作也非為隱公而作也然則春秋之始於隱公者非他以平王之所終

欽定四庫全書

春秋傳王陵微卷一

也何者昔者幽王遇禍平王東遷平既不王周道絕矣觀夫東遷之後周室微弱諸侯強大朝覲之禮不修貢賦之職不奉號令之無所束賞罰之無所加壞法易紀者有之變禮亂樂者有之弑君戕父者有之攘國竊號者有之征伐四出蕩然莫禁天下之政中國之事皆諸侯分裂之平王庸暗歷孝逾惠莫能中興播蕩陵遲逮隱而死夫生猶有可待也死則何所為哉故詩自黍離而降書自文侯之命而絕春秋自

隱公而始也詩自黍離而降者天下無復有雅也書

自文侯之命而絕者天下無復有誥命也春秋自隱

公而始者天下無復有王也夫欲治其末者必先端

其本嚴其終者必先正其始元年書王所以端本也

正月所以正始也其本既端其始既正然後以大中

之法從而誅賞之故曰元年春王正月也隱公曷為

不書即位正也五等之制雖曰繼世而皆請於天子

隱公承惠天子命也故不書即位以見正焉

欽定四庫全書

春秋傳王陵微卷一

三月公及邾儀父盟于蔑

盟者亂世之事故聖王在上聞無聞焉斯蓋周道陵

遲衆心離貳忠信殆絕諂詐交作於是列國相與始

有敵血要言之事爾凡書盟者皆惡之也邾附庸國

儀父字附庸之君未得列於諸侯故書字以別之威

十七年公會邾儀父盟于越翠執莊二十三年蕭叔

朝公是也春秋之法惡甚者曰其次者時非獨盟也

以類而求二百四十二年諸侯罪惡輕重之跡煥然



可得而見矣幾魯地

夏五月鄭伯克段于鄆

於晚反

段鄭伯弟案諸侯殺大夫稱人稱國殺世子母弟稱君此鄭伯弟可知也克者力勝之辭段鄭伯弟以鄭伯之力始勝之者見段驕悍難制國人莫抗也鄭伯養成段惡至于用兵此兄不兄弟不弟也鄭伯兄不兄弟不弟故曰鄭伯克段于鄆以交讖之鄆鄭地

秋七月天王使宰咺

呼阮反來歸惠公仲子之贈

方鳳反

欽定四庫全書

春秋傳王叔微

三

天王使宰咺來歸惠公仲子之贈非禮也仲子孝公妾惠公母惠公既君仲子不稱夫人者妾母不得稱夫人故曰惠公仲子也其曰惠公仲子者非他以別惠公之母爾文九年秦人來歸僖公成風之襚皆此義也仲氏子宋姓車馬曰贈衣衾曰襚珠玉曰賻

故扶

反宰咺天子士宰官咺名天子之士名

九月及宋人盟于宿

及宋人盟皆微者也外微者稱人內微者稱及不可

言魯人故也

冬十有二月祭伯來

側界反

祭伯天子卿不稱使者非天子命也非天子命則奔也不言奔非奔也祭伯私來也祭伯私來故曰祭伯來以惡之祭國伯爵

公子益師卒

益師孝公子內大夫也內大夫生死皆曰公子公孫與氏不以大夫目之者惡世祿也古者諸侯之大夫

欽定四庫全書

春秋傳王叔微

四

皆命於天子周室既微其制遂廢故魯之臧氏仲孫氏叔孫氏季孫氏晉之狐氏趙氏荀氏邵氏欒氏范氏齊之高氏國氏崔氏衛之甯氏孫氏皆世執其政莫有命於天子者此可謂世祿者矣春秋詳內略外故獨卒內大夫以疾之

二年春公會戎于潛

公會戎于潛聖王不作明堂失位要荒之人與諸侯伉故公會戎于潛諸侯非有天子之事不得出會諸



侯況會戎哉凡書會者皆惡之也潛魯地

夏五月莒人入向

舒光反

莒小國也入者以兵入也莒小國以兵入向者隱威之際征伐用師國無小大皆專而行之故莒人以兵入向其稱人者春秋小國卿大夫皆略稱人以其土地微陋其禮不足故也

無駭帥師入極

無駭公子展孫不氏未命也極附庸國外莒人入向

欽定四庫全書

春秋傳王陵微

五

內無駭帥師入極天子不能誅此周室陵遲可知也

秋八月庚辰公及戎盟于唐

盟不相信爾故割牲歃血以要之邾儀父中國也公與中國盟猶曰不可與戎盟于唐其矣唐魯地

九月紀裂繻來逆女

惡不親迎也諸侯親迎禮之大者在易咸卦充上艮下艮少男先下女親迎之象也故曰咸感也二氣感應以相與又曰天地感而萬物化生聖人感人心而

天下和平是以文王親迎于渭以啓周室詩人美之紀侯不知親迎之大故斥言紀裂繻來逆女以惡之也裂繻紀大夫未命故不氏

冬十月伯姬歸于紀

伯姬紀裂繻所逆內女也伯字姬魯姓婦人謂嫁曰歸

紀子伯莒子盟于密

紀本侯爵此稱子伯闕文也左氏作子帛杜預言裂

欽定四庫全書

春秋傳王陵微

六

繻字者蓋附會其說爾故不取焉

十有二月乙卯夫人子氏薨

隱公夫人也夫人薨志者夫人小君與君一體故志之也子宗姓不地者夫人薨有常處不言葬者五月而葬也

鄭人伐衛

孔子曰天下有道則禮樂征伐自天子出天下無道則禮樂征伐自諸侯出自諸侯出蓋十世希不失矣

自大夫出五世希不失矣夫禮樂征伐者天下國家之大經也天子尸之非諸侯可得專也諸侯專之猶曰不可況大夫乎吾觀隱桓之際諸侯無小大皆專而行之宣成而下大夫無內外皆專而行之其無王也甚矣故孔子從而錄之正以王法凡侵伐圍入取滅皆誅罪也鄭人微者

三年春王二月

羣公之年正月書王者九十二月書王者二十三

欽定四庫全書

春秋傳王經

七

月書王者一十七春秋之法唯元年不以有事無事

皆書王正月餘年事在正月則書正月歲二年春王

正月戊申宋督弑其君與夷及其大夫孔父十年春

王正月庚申曹伯終生卒之類是也事在二月則書

二月此年春王二月己巳日有食之四年春王二月

莒人伐杞之類是也事在三月則書三月七年春王

三月叔姬歸于紀莊十二年春王三月紀叔姬歸于

鄒音稿之類是也一時無事則書首月莊五年春王

正月十一年春王正月之類是也

己巳日有食之

言日不言朔者凡日食言日言朔食正朔也言日不言朔失其朔也言朔不言日失其日也不言日不言朔日朔俱失也歲三年秋七月壬辰朔日有食之莊二十五年六月辛未朔日有食之食正朔也此年二月己巳日有食之僖公十二年三月庚午日有食之失其朔也歲十七年冬十月朔日有食之失其日也

欽定四庫全書

春秋傳王經

八

莊十八年三月日有食之僖十五年夏五月日有食

之日朔俱失也此皆歷象錯亂攝提無紀周室不綱

太史廢厥職或失之先或失之後夏書曰先時者殺

無赦不及時者殺無赦故春秋詳而錄之以正其罪

三月庚戌天王崩

平王也天子崩諸侯卒皆志者受終易代不可不見

也天子崩七月而葬諸侯卒五月而葬此禮之常也

故不書焉凡書葬者非常也是故天王崩書葬者五

威襄匡簡景是也不書葬者四平惠定靈是也不書崩不書葬者三莊僖頃是也威襄匡簡景書葬者皆非常也平惠定靈不書葬者皆得常也莊僖頃不書崩不書葬者周室微弱失不告也失不告崩故葬不可得而書也然則襄王而葬書者惡內也案文六年八月乙亥晉侯驩卒冬十月公子遂如晉葬晉襄公八年八月戊申天王崩九年二月叔孫得臣如京師葬襄王魯皆使卿會是天子諸侯可得而齊也故書

欽定四庫全書

春秋傳王餘微

九

襄王之葬以惡內

夏四月辛卯尹氏卒

尹氏天子卿言氏者起其世也泰誓曰罪人以族官人以世夏商之亂政也周既失道其政亦然案節南山家父刺幽王之詩也稱尹氏太師維周之氏則尹氏世卿其來久矣見於此者因其來赴誅之也

秋武氏子來求賻

武氏世卿也其言武氏子父死未葬也武氏子來求

賻者武氏子父死未葬故來求賻賻不可求來求非禮也

八月庚辰宋公和卒冬十有二月齊侯鄭伯盟于石門

石門齊地

癸未葬宋穆公

夫赴告弔會史策之常也貶惡誅亂聖師之筆也春秋書諸侯之卒葬者豈徒紀其歲時從其赴告弔會而已哉蓋以周室陵遲諸侯僭亂變古易常驕蹇不

欽定四庫全書

春秋傳王餘微

十

道生死以聖王之法治之也是故諸侯之卒書葬者九十三不書葬者四十一凡書葬者皆惡之也禮天子崩稱天命以謚之諸侯薨請謚於天子大夫卒受謚於其君大行受大名小行受小名所以懲惡而勸善也東遷之後其禮遂廢諸侯之葬也不請謚於天子皆自諡之非獨不請謚于天子皆自諡之而又僭稱公焉故孔子從而錄之正以王法惟吳楚之君僭極惡大貶不書葬此非例之常宋公爵又五月而葬

書者不請諡也

四年春王二月莒人伐杞取牟婁

二月莒人伐杞取牟婁甚之也莒人二年入向天子不能誅故此肆然伐杞取牟婁杞邑

戊申衛州吁弑其君完

州吁不氏未命也易曰履霜堅冰陰始凝也馴致其道至堅冰也又曰積善之家必有余慶積不善之家必有余殃臣弑其君子弑其父非一朝一夕之故其

欽定四庫全書

春秋傳王孫

十一

所由來者漸矣由辨之不早辨也斯聖人教人君御臣子防微杜漸之深戒也蓋以臣子之惡始于微而積於漸久而不已遂成于弑逆之禍如履霜而至于堅冰也若辨之不早則鮮不及矣故春秋之世臣弑其君者有之子弑其父者有之弟弑其兄者有之婦弑其夫者有之是時紀綱既絕蕩然莫禁孔子懼萬世之下亂臣賊子交軌乎天下也故以聖王之法從而誅之其誅之也罪惡有三大夫弑君則稱名氏以

誅之謂大夫體國不能竭力盡能輔其不逮包藏禍

心以肆其惡故稱名氏以誅之此年衛州吁弑其君

完莊八年齊無知弑其君諸兒宣十年陳夏徵舒弑

其君平國之類是也微者弑君則稱人以誅之微者

謂非大夫名氏不登于史策故稱人以誅之文十六

年宋人弑其君杵臼十八年齊人弑其君商人襄三

十一年莒人弑其君密州之類是也衆弑君則稱國

以誅之衆謂上下乖離姦宄並作肆禍者非一言舉

欽定四庫全書

春秋傳王孫

十二

國之人可誅也故稱國以誅之文十八年莒弑其君

庶其成十八年晉弑其君州蒲定十三年薛弑其君

比之類是也

夏公及宋公遇于清

遇者不期也不期而會曰遇詩稱邂逅相遇適我願

兮是也諸侯守天子土非享覲不得逾境此言公及

宋公遇于清者惡其自恣出入無度清衛地

宋公陳侯蔡人衛人伐鄭秋暈帥師會宋公陳侯蔡人

衛人伐鄭

夏宋公陳侯蔡人衛人伐鄭秋彙帥師會宋公陳侯蔡人衛人伐鄭內外連兵肆然不顧以疾于鄭其惡可知也蔡衛稱人稱人微者彙不氏未命也

九月衛人殺州吁于濮

音卜

稱人以殺討賊亂也其言于濮者威公被殺至此八月惡衛臣子緩不討賊俾州吁出入自恣也濮衛地冬十有二月衛人立晉

欽定四庫全書

春秋尊王發微

十三

人者衆辭嗣子有常位故不言立言立非正立也州吁既死衛國無君故國人舉公子晉立之諸侯受國於天子非國人可得立也故曰衛人立晉以誅其惡五年春公觀魚于棠

觀魚非諸侯之事也天子適諸侯諸侯朝天子無非事者動必有為也故孟子曰天子適諸侯曰巡狩巡狩者巡所守也諸侯朝于天子曰述職述職者述所職也是故春省耕而補不足秋省斂而助不給隱公

急棄國政春觀魚于棠可謂非事者矣棠魯地

夏四月葬衛桓公

十四月葬

秋衛師入郕九月考仲子之宮

考成也仲子惠公母隱公祖母元年天王使宰咺來歸惠公仲子之賵故隱公考仲子之宮祭之元年天王使宰咺來歸惠公仲子之賵非禮也隱公以是考仲子之宮祭之此又甚矣夫宗廟有常故公夫人之廟皆不書焉此年考仲子之宮成六年立武宮定元年立煬宮皆譏其變常也

初獻六羽

初始也羽舞者所執大雉之羽也其言初獻六羽者魯僭用天子禮樂舞則八佾孔子不敢斥也故因此減用六羽以見其僭天子之惡且經言考仲子之宮初獻六羽則羣公皆用八佾可知也惟稱羽者婦人之宮不用干舞

欽定四庫全書

春秋尊王發微

十四



邾人鄭人伐宋

邾序鄭上者邾主乎伐宋也

螟

螟蟲灾也食苗心曰螟食葉曰蟣特食節曰賊食根

曰蠱

冬十有二月辛巳公子彊苦侯反卒

公子彊臧僖伯也孝公子

宋人伐鄭圍長葛

欽定四庫全書

春秋經王發微

十五

九月邾人鄭人伐宋故宋人伐鄭圍長葛長葛鄭邑

六年春鄭人來輸平

其言來輸平者鄭人來輸誠于我平四年釐會諸侯

伐鄭之怨也平者釋憾之辭

夏五月辛酉公會齊侯盟于艾

艾魯地

秋七月

春秋編年必具四時故雖無事皆書首月不遺時也

冬宋人取長葛

長葛鄭邑天子所封非宋人可得取也宋人前年伐

鄭圍長葛此而取之故言伐言圍言取悉其惡以誅

之也

七年春王三月叔姬歸于紀

叔姬伯姬之媵至是乃歸待年父母國也媵書者為

莊十二年歸于鄭音攜起

滕侯卒

欽定四庫全書

春秋經王發微

十六

不日不名者滕入春秋為小國之君卒或日不日或

名不名者以其微弱其禮不足略之也

夏城中丘

城邑宮室高下大小皆有王制不可妄作是故城一

邑新一廡作一門築一園時與不時皆詳而錄之此

年夏城中丘威五年夏城祝丘莊二十九年冬十有

二月城諸及防文十二年冬十有二月季孫行父帥

師城諸及鄆定十四年秋城莒父及霄僖二十年春

新作南門定二年冬十月新作雉門及兩觀之類是也時謂周之十二月夏之十月非此不時也然得其時者其惡小非其時者其惡大此聖人愛民力重興作懲僭忒之深旨也中丘魯邑

齊侯使其弟年來聘

列國相聘非禮也斯皆東遷之後諸侯橫恣連衡自固以相比周乃有玉帛交聘之事爾是故大國聘而不朝小國朝而不聘小國力弱可致大國地廣兵衆不可得而屈也故但使大夫來聘結歡通問而已凡書者皆惡之也

欽定四庫全書

春秋卷五十五  
春秋尊王發微

十一

秋公伐邾冬天王使凡伯來聘

天王使凡伯來聘非天子之事也威王不能興衰振治統制四海以復文武之業反同列國之君使凡伯來聘此威王之為天子可知也凡伯天子卿凡國伯爵

戎伐凡伯于楚丘以歸

凡伯寓衛戎伐凡伯以歸言伐用兵也楚丘衛地也以楚丘者責衛不能救難錄以歸者惡凡伯不死位八年春宋公衛侯遇于垂

垂衛地

三月鄭伯使宛來歸枋

必彭反

庚寅我入枋

枋鄭邑天子所封非魯土地故曰來歸定十年齊人來歸鄭皆運謹龜陰田皆此義也先言歸而後言入者鄭不可歸魯不可入也鄭人歸之魯人受之其罪一

欽定四庫全書

春秋卷五十五  
春秋尊王發微

十二

也入者受之之辭宛不氏未命也

夏六月己亥蔡侯考父卒辛亥宿男卒

秋七月庚午宋公齊侯衛侯盟于瓦屋

此言庚午宋公齊侯衛侯盟于瓦屋者甚之也諸侯日熾紛紛籍籍相與為羣歃血要言自是卒不可制也瓦屋周地

八月葬蔡宣公

三月而葬



九月辛卯公及莒人盟于浮來

公與莒人盟非莒人之罪也凡公與外大夫盟內斥言公外大夫稱人惡在公也此年公及莒人盟于浮來成二年公及楚人秦人宋人陳人衛人鄭人齊人曹人邾人薛人鄆人盟于蜀是也內不言公外書大夫名氏惡在大夫也莊十有二年及齊高傒盟于防文二年及晉處父盟是也浮來莒地

螟

欽定四庫全書

春秋傳王經

十九

冬十有二月無駭卒

不氏未命也九年挾卒同此

九年春天王使南季來聘

南季天子大夫南氏季字

三月癸酉大雨震電庚辰大雨

于付雪反

周之三月夏之正月也未當大雨震電既大雨震電又不當大雨雪甚哉八日之間天變若此也

挾卒夏城郎

郎魯地

秋七月冬公會齊侯于防

防魯地

十年春王二月公會齊侯鄭伯于中丘

此言二月公會齊侯鄭伯于中丘者公末年出入無度不顧憂患于內數會諸侯于外也十一年時來之會同此

夏鞏帥師會齊人鄭人伐宋六月壬戌公敗宋師于菅

欽定四庫全書

春秋傳王經

二十

古顏辛未取郕告辛巳取防

夏鞏帥師會齊人鄭人伐宋六月壬戌公敗宋師于菅辛未取郕辛巳取防甚矣公與鞏傾眾悉力共疾于宋又決日而取二邑故君臣並錄以疾之菅宋地秋宋人衛人入鄭宋人蔡人衛人伐戴鄭伯伐取之宋人蔡人衛人伐戴戴小國也三國之師既退鄭伯見利忘義乘戴之弊伐而取之其惡可知也冬十月壬午齊人鄭人入郕

邠小國

十有一年春滕侯薛侯來朝

諸侯朝天子禮也諸侯朝諸侯非禮也斯皆周室不競干戈日尋以大陵小小國不得已而為之爾是故齊晉宋衛未嘗朝魯而滕薛邾杞來朝奔走而不暇也齊晉宋衛未嘗來朝魯者齊晉盛也宋衛敵也滕薛邾杞來朝奔走而不暇者土地狹陋兵衆寡弱不能與魯仇也春秋之法諸侯非有天子之事不得踰境凡書朝者皆惡之也

欽定四庫全書

春秋尊王發微

三

夏五月公會鄭伯于時來

時來鄭地

秋七月壬午公及齊侯鄭伯入許

案前年二月公會齊侯鄭伯于中丘夏輦帥師會齊人鄭人伐宋六月壬戌公敗宋師于管辛未取郕辛巳取防此年五月公會鄭伯于時來秋七月壬午公及齊侯鄭伯入許甚矣公二年之中與齊侯鄭伯連

兵自恣以為不道其惡若此也

冬十有一月壬辰公薨

公薨不地弒也執弒之威公弒也曷為不言威公弒內諱弒也故弒君之賊皆不書焉不言葬者以侯禮而葬也隱雖見弒其臣子請謚于周以侯禮而葬故不書焉

欽定四庫全書

春秋尊王發微

三

春秋尊王發微卷一